

1IN THE TRADITIONAL RIGHTS COURT
OF THE
REPUBLIC OF THE MARSHALL ISLANDS

FILED

OCT 14 2014



ASST. CLERK OF COURTS
REPUBLIC OF MARSHALL ISLANDS

LISE SHEET and ESTHELLA) CIVIL ACTION NO. 2009-212
LIVITICUS)
)
Plaintiffs,)
)
V.) MELELE KO ILO CASE IN
)
ROSBETH LANGTUR)
)
Defendant.)
_____)

RO UAAN PANEL EO:

WALTER K. ELBON, PRESIDING CHIEF JUDGE

NIXON DAVID, ASSOCIATE JUDGE

GRACE LEBAN, ASSOCIATE JUDGE

RAN IN RONJAKE:

KAJJITOK KO NAN TRADITIONAL RIGHTS COURT EO IKKIJEN CASE IN:

Kajjitok nemba 1. Ekkar nan mantin Marsahll, won eo ikotan Dri Abnono ro im Dri Jumae

Abnono eo ekkar bwe en jolete imon jokwe in im konono kake ilo case in?

UAAK EO NAN KAJJITOK NEMBA 1: LISE SHEET IM ESTHELLA LIVITICUS

KOMELELE EO IKKIJEN UAAK EO NAN KAJJITOK NEMBA 1: Imon jokwe in im konono

kake ilo case in ej ber ilo Jenebneb Wetu ilo Rairok village , Majuro atoll. Imon jokwe in ej ej imon Nei Wai Bobo einwot an party kein jimor erra kake (lale Joint Rule 2 Statement part 3). Ej bareinwot alikar bwe David Bobo ear jab bok kunan ilo kar kaloke imon jokwe in im konono kake. Elias Bobo leo jein ear e eo im ear lolorjake bwe imon jokwe in an kora eo jinen, Nei Wai Bobo en ekkal ilo Jenebneb Wetu ilo Rairok. Elias Bobo ear bareinwot bok kunan ilo kajjitok melim jen Alap eo an Jenebneb nan kalok imon jokwe in.

Kajjitok nemba 2: Kalimur eo an Nei Wai Bobo ewor ke kitien (valid)? Im ne ej wor kitien Dri Jumaë Abnono Rosbeth Langtur emaron ke jokwe ilo imon jokwe in konono kake ilo case in?

UAAK NON KAJJITOK NEMBA 2: Kalimur eo an Nei Wai Bobo ewor kitein (valid) im Rosbeth Langtur emaron wot jokwe ilo imon jokwe in konono kake ilo case einwot ke jinen arji ro nejeirro David Bobo ijowotke ke ej aikuj wot in mokta kebak ro nejin Nei Wai im koman karok ak bok melim eo aer. Rein einwot Lise Sheet im Esthella Liviticus im ro jet nejin Nei Wai im rej mour wot rainin.

KOMELELE EO IKKIJEN UAAK EO NON KAJJITOK NEMBA 2: Kalimur eo an Nei Wai me kar jeje kin pein, Plaintiff Exhibit "A" ej wor kitien (valid). Wana Bobo Lokboj im Lise Sheet ilo kar nan in kamol ko aerro rar ba bwe rejela im rej kile eltan pein Nei Wai Bobo, kora eo jineerro kab jibweirro. Ilo aer kar ber ibben rokein lo an jeje al ko. Lise Sheet bareinwot ilo ien ko ej ber ilo school ilo jikin ko ilikin Marshall Islands ekonan lon an letta jen jinen, Nei Wai Bobo. Aolep wawen kein rej kalikar bwe kalimur in im Nei Wai Bobo ear je kin pein emol ke e eo ear je. Im einwot ke kalimur in ej nan ro nejin Nei Wai moktata im tokelik ro jibun, ej alikar

bwe Rosbeth Langtur ej aikuij mokta kebak ro nejin Nei Wai nan an maron jokwe ilo imon jokwe in im konono kake ilo case in. Ak kin ajri ro nejin David im Rosbeth Langtur im bar ro jet nejin David Bobo moktalok jen Rosbeth Langtur renaj atartar wot ion aer aikuij kebak mokta ro nejin Nei Wai Bobo nan aer maron bar ber im jokwe ilo imon jokwe in.

Kajjitok nemba 3: Ekkar nan mantin Marshall, won ian Dri Abnono ro im ajri ro nejin Rosbeth im David Bobo ej rijolete imon jokwe in im konono kake? Im ta kin ro nejin David Bobo ibben kar eo belen moktalok?

UAAK NAN KAJJITOK NEMBA 3: Dri Abnono Ro

KOMELELE EO IKKIJEN UAAK EO NAN KAJJITOK NEMBA 3: Party kein jimor rej erra bwe imon jokwe in ej imon Nei Wai im kar leo belen me ear mij moktalok jen e. Im einwot ke TRC panel eo me ear ronajake case in ej loe bwe ewor kitein kalimur eo an Nei Wai Bobo ej alikar bwe ro nejin rej rijolet ro moktata im elkintok naj ro jibun ekoba ro nejin David im Rosbeth Langtur im ro nejin David Bobo moktalok jen Rosbeth Lngtur.

ETAN DRI KAMOL RO AN DRI ABNONO :

1. Wana Bobo Lokboj
2. Biolynnb Langrine
3. Lise Bobo Sheet
4. Carokine B. Botla

ETAN DRI KAMOL RO AN DRI JUMAE ABNONO:

1. Rosbeth Langtur

KEIN KAMOL KO KAR BUKU:


1. Plaintiff Exhibit A- Kalimur
2. Plaintiff Exhibit B- Power of Attorney
3. Plaintiff Exhibit C- Kojela kin komakit
4. Plaintiff Exhibit D Kojela kin komakit
5. Defendant Exhibit D

WAWEN KO JET PANEL EO EJ TOMAK BWE REJ AIKUIJ WALOK:

Kein kamol ko an Dri Abnono einwot Exhibit "C" im Exhibit "D" rej kalikar bwe imon jokwe eo im ej ber ilo Jenebneb Wetu ej imon jokwe an Nei Wai Bobo wot . Ej bareinwot alikar ilo Exhibit kein bwe Iroj im Alap ro aer weto in rejjab erra ilo an Rosbeth Langtur ber im jokwe ilo weto in aer.

Ear bar alikar ilo ien ronjake eo bwe ewor juon imon jokwe an kar David Bobo im Rosbeth Langtur ilo Rita village eo me erro Rosbeth im David rar jokwe ie moktalok jen aer kar emakitlok non imon jokwe eo an Nei Wai Bobo ilo Jenebneb Wetu ilo Rairok Village.

Ran: 10/14/14



Walter K. Elbon
Presiding Chief Judge



NixonDavid
Associate Judge



Grace Leban
Associate Judge